

C
NZE
01
5

1001.25

~~100~~ 100

100



1001

25

XXXVII

ANON

1006.25 AL

PASSIO
S. BONIFATII
MARTYRIS
ROMANI

Ex fide Mss. Codicum nunc primum edita.



ROMAE

Excudebat Ludouicus Grignanus.

clō Idc xxxviii

SVPERIORVM PERMISSV.

T A S I O
 S. BONIFATII
 MARTYRIS
 ROMANI

In hoc libro. Continetur. Brevis. Descriptio.



ROMAE
 Excusabit Ludovicus. Gignanti.
 MDCLXXVIIII

S A P I E N T I A M P R O M I S S A M

Illust.^{mo} & Excell.^{mo} Domino,
DN. IOANNI ANTONIO

S. R. IMPERII PRINCIPI

DVCI CRV MLOVII, PRINCIPI AB ECKENBERG,
Comiti Postoniæ, Domino in Straß, Rakelspurg,
Petavv, VVildon, VVallestein, &c.

*Mareschallo hereditario vtriusque Austria, Pincerna ha-
reditario Carniole & Marchie Slawonica, Supre-
mo Camerario hereditario Ducatus Stiria, &c.*

IMP. CAES. FERDINANDI III. AVGVSTI
AD VRBANVM VIII. PONT. MAX.
ORATORI EXTRAORDINARIO

Lucas Holstenius S. P. D.

ILLVSTRISS. ET EXCELLENTISSIME PRINCEPS;



*A nuper comitate spectatum
tibi probatumq; se vidit Boni-
fatiu Martyr, ut experti fa-
uoris ac beneuolentiæ fiducia
redire sub adspectum tuum,
atque de proximo cognosci cu-
piat. Et sane multa illi præsidia tum aderant,
quibus se commendaret oculis, atque in animum
A tuum*

tuum insinuaret. quippe quem Eminentissimus
Cardinalis Barberinus, munerarius & cho-
ragus splendidissimus, ex Tarsensi stadio in
Romanum theatrum pulcherrima cum pompa
traduxerat. ubi ille in extemporalem scenam,
mirando plane artificio surgentem tragico co-
thurno suffultus, atque omni musicae artis ap-
paratu instructus cum prodisset, caussam par-
tesq; suas eo sententiarum pondere atque oratio-
nis maiestate egit, ut te aequissimo arbitro, atque
applaudente lectissimo Germanicae nobilitatis flo-
re, non minus laudabiliter tunc steterit, quam
olim iniquissimo sub Iudice gloriose ceciderat.
Verum ille adsciucius ornamentiis carens, suum
sibi nativum cultum, ex superiorum seculorum
ingenio rudem, & diuturno situ squalidum in-
dutus, vix tuum adspectum nunc sustineret; nisi
qui personatus a curioso Urbicarum elegantiarum
spectatore plausum meruerat, non fucata sim-
plicitatis candore parem sibi gratiam apud Prin-
cipem Germanum polliceretur. Neque vero il-
lustrius patrocinium sibi sperare poterat Bonifa-
tius ex bibliothecarum tenebris rediitius, quam
ut in tuam clientelam se dederet: qui amplis-
simae legationis munus inusitata magnificencia

711
Et prorsus regio splendore in hoc orbis terrarum
theatro ita sustines, ut præteritorum seculorum
exempla supergressus, futuris etiam assequendi
spem ademeris. Nec tamen præsingui tantæ lucis
fulgore metuit: cum in maxima fortuna &
splendidissimis honoribus summam humanita-
tem modestiam & comitatem tuam a nemine de-
siderari patiaris. Sed prolixiori virtutum lau-
dumq; tuarum commemoratione abstinco; cum
hoc qualicumq; officio non gratiam tuam am-
bire, sed pro maximis beneficiis gratias agere
instituerim: qui me Parentis tui, prudentissi-
mi laudatissimiq; Principis, tum etiam tua
singulari beneuolentia Eckenbergicæ domui æ-
ternum iure merito deuinctum profiteor.

Romæ, prid. 1d. Decemb. 1660 xxviii.

Hisce actis edendis septem manuscriptorum codicum fidem secutus sum: quorum duos Vaticana Summi Pontificis, quatuor Principis Apostolorum bibliotheca, septimum S. Cecilie in Translyberina regione monasterium suppeditavit. Postremum hunc vetustate fideque ceteris præstantem, & magno illi historie Ecclesiastica restitutori Baronio iam olim laudatum, potissimum expressi. paucissima enim ex ceteris addidi, aut mutavi: iudicio ea in re aliquid, ingenio nihil indulgens; qui hoc studiorum genus religiose tractandum semper existimaui. pro regula ac norma mihi fuere Adonis excerpta; sed omnium maxime Græcum eorundem actorum exemplar, iidem vetustissimum, quod in Vaticano extat. illi cum Latinis ita ad verbum convenit, ut affirmare non ausim, utrum Græca a Latinis, an vice versa hæc ab illis promanarint. nam in utramque partem argumenta suppetunt. quidquid sit, Simeonem Magistrum & Logothetam, quem Metaphrasten vocant, ante septingentos & amplius annos iis usum non dubitabis quisquis eius metaphrasin cum hisce contendere voluerit.

PASSIO
S. BONIFATII
MARTYRIS.



TEMPORIBVS Diocletiani quater & Maximiani ter Imperatorum, orta est seditio maxima, tempore persecutionis eorum, adversus Christianos, vt omnes Dei cultores ad inclinandas ceruices nefandissimis idolis compellerentur. Qui etiam tyranni miserunt ex personis suis, vna cum diuis apicibus suis, Iudicem atrocissimum & astutum nimis, Simplicium nomine, in partes Orientis, in Tarsum ciuitatem, quæ est metropolis Ciliciæ prouinciæ; vt ibidem omnes qui Christum confiterentur vtriusque sexus & ætatis per publicam audientiam interrogaret, ipsosque per diuersorum tormentorum macerationem ad suæ mentis vefaniam quantocius inclinaret. Illis igitur temporibus erat quædam in Vrbe Roma mulier magna, nomine Aglaës, filia quidem Acacij, genere autem clari, quondam Proconsulis. Hæc ergo ter candidam egerat apud Urbem Romam ex præse-

A 3 ctura,

Æura, habens sub se septuaginta & tres procuratores, qui curas agebant in possessionibus eius; & vnum majorem qui erat super omnes, nomine Bonifatium: qui etiam, vt assolet genus hominum vitis implicari, commiscebatur cum ea in peccatum. Erat autem hic ebriosus & adulter, & amicus omnium quæ odit Dominus Deus. Trium autem habebat rectitudinis opera; hospitalitatem, scilicet, largitatem, & misericordiam. qui si aliquando videret peregrinum de itinere venientem, cum omni festinatione & alacritate adhortabatur in hospitium suum introire, & ministrabat ei. noctibus autem circuibat plateas & vicos ciuitatis, tribuens pauperibus omnia quæ necessaria erant.

Post annos vero multos gratia Dei compungente Aglaën, vocavit puerum suum Bonifatium, & dixit ei: Frater Bonifati, tu scis in quantis peccatis convoluti sumus; non existimantes quoniam Deo assistere debemus, & reddere rationem eorum quæ gessimus malorum in hoc mundo. Et nunc audiui quosdam Christianorum dicentium; quoniam si quis ministrauerit Sanctis, qui propter nomen Domini IESV CHRISTI agonizantur, & certamen sumpserunt propter eum, consors eorum fiet in die illa terribilis iudicii Dei. Et quia didici a quibusdam, quod serui Christi agonizantur aduersus diabolum in partibus Orientis, tradentes corpora sua carnificibus, vt non abnegent Christum:

stum: perge igitur ad illas partes, & affer nobis reliquias, idest, corpora Sanctorum Martyrum: si quo modo seruientes atque ministrantes eis, necnon & oratorias domos edificantes eis dignas, per sanctas passiones eorum saluemur tam nos, quam & alij multi. Accepit autem puer Bonifatius aurum copiosum ad comparationem corporum Sanctorum, & ad ministrationem egenorum; & duodecim equites, & tres basternas; sed & vnguenta diuersa, ad honorem Sanctorum Martyrum. Cumque cepisset egredi, dicit Dominæ suæ gratulanter: Domina mea, si inuenero ad comparandum reliquias, idest, corpora Sanctorum Martyrum, affero mecum: si vero meum corpus venerit, in nomine Martyris suscipies illud? Dixit autem Domina sua ad eum: abiice abs te ebrietatem & stultiloquium, & sic te exhibe, vt digne possis corpora Sanctorum Martyrum portare. ego autem peccatrix, licet indigna sim, tamen expectabo te citius. Dominus autem & Deus omnium, qui propter nostram salutem formam serui accipiens proprium sanguinem effudit propter salutem generis humani, ipse mittat angelum suum ante faciem tuam, & dirigat gressus tuos in sua benignitate; & impleat in bonis desiderium meum, delicta mea oblitus.

Egrediens autem puer Bonifatius in iter suum, cogitabat dicens: Iustum est vere, vt neque carnes

contingam, neque vinum percipiam: quoniam licet indignus sim & peccator, tamen corpora Sanctorum Martyrum portare habeo. & extendens oculos ad cælum dixit: Domine Deus omnipotens, vnigeniti tui Pater, adesto in adiutorium mihi famulo tuo; & dirige viam meam in qua ego ambulo, vt glorificetur nomen tuum in secula seculorum, Amen. Cumque finisset orationem, ambulabat iter suum gaudens. Adueniens igitur post dies aliquot in Tarsum ciuitatem, & agnoscens quia sancti Christi athletæ agonizabantur in martyriò, dicit ad eos qui cum eo erant: Viri fratres, euntes requirite nobis hospitium, & ibi requiescere facite animalia, ego autem vado videre eos, quos valde desidero. Cum igitur iret ad stadium, vbi Sancti Martyres erant certantes, vidit eos inter tormenta positos; & quendam eorum suspensum capite deorsum, & ignem subtus eum stratum: alium extensum in quatuor ligna, & diutissime maceratum: alium exterminatam habentem faciem: alium vngulis exaratum: alium manibus abscissis: alium stipite in collo eius infixò, & exalatum in terra: alium inclinatum ex aduerso, idest, retro manus & pedes habentem, & sic sustibus a ministris cæsum. Et horror magnus ac pa-uor intolerabilis erat his, qui videbant hæc tormenta. magis autem erat videre diabolum victum, seruos autem Christi fortiter certantes. Accedens
ergo

ergo puer Bonifatius cepit osculari Sanctos Martyres, cum essent in tormentis nequissimis: erant enim omnes viri numero viginti: & clamans voce magna dixit: Magnus Deus Christianorum; magnus Deus Sanctorum Martyrum. obsecro vos, famuli Christi, intercedite pro me, ut & ego dignus efficiar consors vester inueniri, certans adversus diabolum. Et confedens pedibus Sanctorum Martyrum, amplexabatur vincula eorum, osculans ea, & dicens: Certate athletæ & martyres Christi conculcare diabolum, modicum perseuerantes: magnus quidem labor, sed multa est requies: horrida tortura, sed ineffabile gaudium. super terram torquetur corpus a ministris, in futuro autem seculo a sanctis angelis ministrabitur illi.

Aspiciens autem Simplicius iudex ad populum, & cum contemplatus eum fuisset, dixit: Quis est ille, qui ad contemptum meum deorumque iniuriam hæc gerit? applicetur igitur tribunali meo. Cumque adductus fuisset, Iudex ad eum dixit: quis es tu, edicito nobis, qui contempsisti splendidissimum iudicium meum? Beatus Bonifatius dixit: Ego Christianus sum; & Dominum meum IESVM CHRISTVM habens, contemno & te & tribunal tuum, per auxilium Dei mei. Iudex autem ait ad eum: quid vocaris? Beatus Bonifatius dixit: iam dixi tibi, quia Christianus sum: si autem vis discere commune nomen meum, Bonifatius vocor.

cor . Iudex dixit ad eum : antequam pœnis tangam latera tua, accedens sacrificia Dijs immortalibus . Beatus Bonifatius ait : dixi tibi multotiens quia Christianus sum , & non sacrifico dæmoniis, neque nefandissimis idolis : quod ergo vis facere fac, & noli morari . ecce enim appositum est tibi corpus meum . Cumque hæc audiret Iudex, iratus est vehementer, & iussit suspendi eum, & diutius ungulis corpus eius radi . In tantum autem raserunt eum ministri diaboli, vt ossa eius apparerent . Beatus autem Bonifatius nihil respondebat, sed habebat oculos suos attentos ad sanctos Dei Martyres . tunc iussit iudex leuari eum a terra . Transacto autem quasi vnus horæ spacio, dixit ad eum Iudex : miser, sacrificia Dijs immortalibus, & miserere tui . Beatus Bonifatius respondit ei, dicens: non erubescis, miserrime, sæpe dicendo mihi, sacrificia; me nolente audire de perituris tuis simulacris? Tunc furore repletus Iudex iussit vt calami acuerentur, & eos affigi sub ungulis manuum eius . Cumque hoc fieret, aspiciens Sanctus Martyr in cælum alacriter dolores tolerabat . Videns autem impiissimus Iudex quod minime sentiret tormenta, iussit aperiri os eius, & plumbum bulliens infundi ei . Sanctus autem athleta Christi Bonifatius aspiciens in cælum, deprecatus est Dominum, dicens: Gratias ago tibi Domine IESV CHRISTE fili Dei, adesto in adiutoriū mihi famulo tuo, & alleua me a doloribus istis; &

ne

ne permittas me a profanissimo hoc Iudice vinci: tu enim nosti, quia propter nomen tuum hæc omnia patior. Et cum compleisset orationem, exclamavit ad Sanctos Martyres, dicens: obsecro vos, serui Christi, orate pro me famulo vestro. Sancti autem martyres tanquam ex vno ore dixerunt ad eum: Dominus noster IESVS CHRISTVS ipse mittat angelum suum, & eripiat te de profanissimo isto Iudice, & perficiat cursum tuum velociter; & adscribat nomen tuum cum primogenitis. Cumque compleissent orationem, & dixissent, Amen, factus est ploratus a turba, & vociferatio maxima, dicentium: Magnus est Deus Christianorum: magnus Deus Sanctorum Martyrum. Christe fili Dei salua nos: vniversi enim in te credimus, & ad te confugimus. pereant simulacra gentium. Et impetum fecit omnis plebs, & destruxit aram, & Iudicem lapidauerunt. Et exurgens Iudex secessit propter tumultum, timens turbas.

Diluculo autem residens Iudex pro tribunali, iussit assisti sibi Sanctum Martyrem Bonifatium, & dicit ei: vt quid, miser, sic insanis, in hominem habens spem, & ipsum crucifixum tanquam nequam? dicit ei Sanctus Martyr: obmutesce infelix, & noli aperire labia tua contra Dominum meum IESVM CHRISTVM: obscurissime mentis serpens, inveterate dierum malorum, anathema tibi. nam Dominus meus IESVS CHRISTVS hæc omnia susti-

sustinuit, volens saluare genus humanum: Et iratus Iudex iussit afferri ollam, & eam impleri pice, & in bullientem Sanctum Martyrem inverso capite immitti. Sanctus autem Christi martyr facto signo crucis missus est in ollam. Angelus vero Domini descendit de cælo, & tetigit ollam: & protinus liquefacta est, sicut cera ante faciem ignis. Et Sanctus quidem non est molestatus; incendit autem de afflantibus viros multos. Tremefactus itaque Iudex virtute Christi, atque admirans tolerantiam Sancti Martyris, iussit gladio caput eius abscindi, dicens: Quem legibus Imperatorum non obtemperantem reperimus, hunc iubet nostra potestas capitalem subire sententiam. Spiculatores autem tulerunt eum cum festinatione de medio iudicii. Sanctus vero Christi Martyr facto signo crucis rogauit spiculatores, vt largirentur ei paruum horam donec oraret. & stans contra orientem, deprecatus est dicens: Domine Deus omnipotens, Pater Domini nostri IESV CHRISTI, adesto in adiutorium mihi famulo tuo: & mitte angelum tuum, & suscipe in pace animam meam; vt non impediatur me pestifer & intersector draco sua malignitate, & ne suadeat me in fallacia sua: sed conrequiescere me fac in choro Sanctorum Martyrum tuorum. & erue Domine populum tuum de tribulatione impiorum. quoniam te decet omnis honor & potestas, vna cum Vnigenito tuo, atque
San-

Sancto & viuificante Spiritu, in secula seculorum,
Amen. Et cum compleisset orationem percussus est
ab spiculatore: & factus est terræmorus magnus;
ita vt omnes exclamarent, dicentes: Magnus Deus
Christianorum. Et crediderunt multi in Dominum
IESVM CHRISTVM.

Conserui autem Beati Bonifatii circuibant vbiq;
requirantes eum; & non inuenientes cæperunt dice-
re adinuicem: Ille modo in adulterio aut in taber-
na positus epulatur; & nos circuiumus vbiq; requi-
rentes eum. Cum ergo inter se confabularentur, cō-
tigit obuiare eis fratrem Commentariensis, & dicunt
ei: forsitan vidisti virum peregrinum Romanum?
Ille autem dixit eis: hesterno die vir peregrinus
martyrizatus est pro Christo, & abscissus est ca-
pite. qui dixerunt ei: & vbi est? at ille dixit eis:
in stadio, vbi passus est. Et iterum interrogati illi
de aspectu eius, dixerunt ei: Vir est quadratus, cras-
sus, robustus, capillo compositus, coccinea arme-
lausia indutus. & dicit eis: Ille, quem quæritis,
hesterno die martyrio est finitus. Illi vero dixe-
runt ei: homo quem nos quærimus, magis in ta-
berna requirendus est, quam in stadio. Dicit au-
tem illis: quid enim vos nocebit venire vsque
ad stadium, & videre si ipse est? Illi autem secuti
sunt eum vsque ad stadium: & ostendit eis pre-
ciosum corpus eius. & dixerunt ad eum: quæsu-
mus, ostende nobis & caput eius. Cum autem
con-

contemplati fuissent caput Sancti Martyris conserui ipsius, risit in Spiritu sancto. & cognoscentes eum pueri fleuerunt amare, dicentes: ne memineris nostri in peccatum, quanta locuti sumus de te, famule Christi. Et dicunt ad officialem: iste est quem quarebamus: petimus te, da nobis eum. Dicit eis ille: ego gratis corpus eius dare vobis non possum. Illi autem dantes ei solidos quingentos acceperunt corpus Sancti Martyris. & vngentes illud aromatibus, & involuentes linteaminibus preciosis, posuerunt in vna de balternis: & sic profecti sunt iter suum gaudentes, & glorificantes Dominum super defunctione Sancti Martyris.

Angelus autem Domini apparuit Dominæ eius, dicens: aliquando seruum tuum, nunc autem nostrum fratrem, suscipe sicut Dominum, & reconde eum bene. per ipsius enim interuentionem vniversa peccata relaxabuntur tibi. Et consurgens Aglaës confestim accepit secum clericos & viros religiosos: & sic cum hymnis & canticis spiritualibus, & omni veneratione obviavit sancto corpori, & reposuit illud stadiis ab Vrbe Roma quinque, in via quæ Latina nuncupatur; donec ædificaret ei domum, dignam passioni eius. in quo etiam loco exuberant beneficia orationum Sancti Martyris vsque in hodiernum diem; ita vt etiam dæmones expellantur: & omnes varias infirmitates repellit, quibus detinetur hominum genus. Martyrizatus est autem.

Bea-


Beatus Bonifatius pridie Idus Maias, apud Tarsum metropolim Ciliciæ: & sepultus est Romæ Nonis Iunii. Beata autem Aglaës abrenunciavit mundo & pompis eius, vniversa quæ possidebat distribuens egenis. relaxans autem & vniversam familiam suam diversi sexus & ætatis a iugo seruitutis, sic cum paucis puellis cum ea abrenunciantibus famulata est Christo: & sic facta est magna, vt etiam gratiam a Deo mereretur accipere, vt dæmonia expelleret, & diversas infirmitates curaret. Superuixit autem Beata Aglaës in habitu sanctimonialis annos tredecim, & sic obdormiuit in Domino, & in pace sepulta est apud præfatum Martyrem.


Sic quoque decertavit gloriosus Martyr Bonifatius, victoriæ coronam assumens; in gloriam & laudem Dei Patris, & Vnigeniti filii eius, & Spiritus sancti: nunc & semper, & in cuncta secula seculorum, Amen.

FINIS.









MC

